



اَوْنُوْزِ سَيِّتِيْ بِاَتِيْكَوْ لُوْ كِنِيْ مَارَا  
UNIVERSITI  
TEKNOLOGI  
MARA

## GARIS PANDUAN

# *RESEARCH ENTITY INITIATIVE (REI)* (PINDAAN TAHUN 2017)

### **Institut Pengurusan Penyelidikan & Inovasi (IRMI)**

Universiti Teknologi MARA  
Aras 3, Bangunan Wawasan  
40450 Shah Alam, Selangor, Malaysia  
Tel : (+603) 5544 8281/8278/8251  
Faks : (+603) 5544 8280



Institute of Research Management  
& Innovation

Communities of Research



## SENARAI KANDUNGAN

<b>KANDUNGAN</b>	<b>M/S</b>
Visi Dan Misi Universiti Teknologi MARA	3
<b>Geran <i>Research Entity Initiative</i> (REI)</b>	
1.0 Pengenalan	4
2.0 Jumlah Peruntukan & Jangka Masa Projek	4
3.0 Syarat-Syarat Permohonan	4/5
4.0 Peraturan Kewangan	5/6
5.0 Peraturan Permohonan	6
6.0 Penilaian Geran	6
7.0 Etika Penyelidika	6
8.0 Pemantauan Penyelidikan	6/7
9.0 Hasil Pencapaian Penyelidikan	7

**VISI DAN MISI**  
**UNIVERSITI TEKNOLOGI MARA**

**VISI**

Menjadikan UiTM sebuah universiti unggul yang berteraskan keserjanaan dan kecemerlangan akademik bagi menerajui dinamisme bumiputera dalam semua bidang profesional bertaraf dunia supaya terlahir graduan yang berdaya saing, global dan beretika.

**MISI**

Mempertingkatkan keilmuan dan kepakaran bumiputera dalam semua bidang menerusi penyampaian program profesional, penyelidikan serta penglibatan khidmat masyarakat yang berlandaskan kepada nilai-nilai murni dan etika keprofesionalan.

**GARIS PANDUAN GERAN PENYELIDIKAN DALAMAN  
UNIVERSITI TEKNOLOGI MARA**

**RESEARCH ENTITY INITIATIVE (REI)**

**1.0 PENGENALAN**

- 1.1 Geran *Research Entity Initiative* (REI) diwujudkan sebagai salah satu insentif kepada penyelidik-penyelidik di bawah Entiti Kecemerlangan (EK) Tier 4 dan Tier 5.
- 1.2 Geran ini bertujuan untuk memperkasakan UiTM sebagai universiti yang berintensifkan penyelidikan seperti yang dinyatakan dalam Dasar Penyelidikan dan Inovasi Universiti Teknologi MARA.
- 1.3 Geran REI ini juga bertujuan untuk membantu melonjakkan aktiviti penyelidikan EK Tier 4 dan Tier 5 di bawah pelbagai bidang tujahan yang dipelopori oleh UiTM ke peringkat global dan menambahkan penerbitan berindeks UiTM.

**2.0 JUMLAH PERUNTUKAN & JANGKA MASA PROJEK**

Jumlah dan tempoh maksima peruntukan Geran REI adalah seperti berikut:

Peruntukan Maksima (RM)	EK Tier	Tempoh Maksima
RM 50,000	4	2 Tahun
RM 32,000	5	2 Tahun

**3.0 SYARAT SYARAT PERMOHONAN**

Geran ini terbuka kepada staf akademik UiTM dengan syarat-syarat berikut : -

- 3.1 Permohonan terbuka kepada semua Entiti Kecemerlangan Tier 4 dan Tier 5 UiTM.
- 3.2 Permohonan hendaklah dibuat oleh Ketua EK atau salah seorang ahli berdaftar bagi EK tersebut. Keutamaan diberikan kepada bukan Penyelidik Utama bagi geran luar atau dalaman pada tahun semasa.
- 3.3 Penyelidik bersama untuk REI hendaklah terdiri daripada ahli EK tersebut.
- 3.4 Kertas cadangan hendaklah berkaitan dengan bidang tujahan EK tersebut.

- 3.5 Setiap EK Tier 4 dan Tier 5 yang pernah memperolehi geran PI layak memohon semula sekiranya geran tersebut telah tamat tempoh dan mencapai KPI yang ditetapkan.
- 3.6 Ketua Penyelidik dan penyelidik bersama mestilah menyumbang minimum RM 10.00 sebulan kepada Dana Kecemerlangan Pendidikan UiTM sepanjang tempoh geran aktif dan bukti sumbangan mesti disertakan semasa permohonan.

#### 4.0 PERATURAN KEWANGAN

- 4.1 Agihan perbelanjaan dan peruntukan projek tertakluk kepada pembahagian bajet sebanyak 60% pada tahun pertama dan baki 40% pada tahun kedua.
- 4.2 Perbelanjaan projek adalah dihadkan bagi vot-vot berikut:

Vot11000	Gaji untuk Pembantu Penyelidik (RA)
Vot21000	Perjalanan, penginapan dan pengangkutan
Vot24000	Sewaan
Vot27000	Bekalan dan Bahan Penyelidikan
Vot28000	Baik pulih kecil dan Ubahsuai
Vot29000	Perkhidmatan Ikhtisas
Vot35000	Aksesori dan Peralatan

- 4.3 Bayaran Pembantu Penyelidik (RA/GRA) tidak melebihi RM 1,500 bagi pelajar sarjana dan RM 1,800 bagi pelajar kedoktoran untuk sebulan..
- 4.3 Pembantu penyelidik yang menerima biasiswa penuh (termasuk elaun sara hidup) adalah tidak layak untuk dilantik di bawah skim ini.
- 4.4 Permohonan pembantu penyelidik (RA) perlu dibuat melalui atas talian sistem IRMIS (<http://orchid.uitm.edu.my/irmis>).
- 4.5 Perjalanan ke luar negara perlu mendapat kelulusan IRMI tertakluk kepada peruntukan geran yang telah dipohon. Pembantu penyelidik hanya dibenarkan untuk mengikuti persidangan, seminar atau bengkel yang berkaitan dengan penyelidikan di dalam negara sahaja. Perjalanan ke luar negara mestilah juga mengikut peraturan UiTM
- 4.6 Hanya Ketua Penyelidik dan ahli sahaja yang dibenarkan bagi perjalanan ke luar negara berdasarkan kriteria berikut:

- i) Perjalanan ke luar negara yang dibenarkan (sekali sahaja) adalah bagi tujuan menghadiri persidangan/seminar/bengkel/ kolokium untuk membentangkan hasil penyelidikan sahaja.
- ii) Destinasi perjalanan tersebut mestilah merupakan tempat yang paling sesuai dan ekonomikal dari segi kemudahan, kepakaran dan pemindahan teknologi.

## **5.0 PERATURAN PERMOHONAN**

- 5.1 Permohonan geran adalah secara manual. Borang boleh dimuat turun melalui laman sesawang <http://rmc.uitm.edu.my/download/research-entity-initiative-rei.html>
- 5.2 Permohonan terbuka sepanjang tahun. Borang permohonan hendaklah dihantar kepada Sekretariat Jawatankuasa Kecil Entiti Kecemerlangan, Pejabat Komuniti Penyelidikan, IRMI.
- 5.3 Bagi projek penyelidikan yang dibiayai oleh geran REI dan sumber lain, penyelidik mestilah mengisytiharkan semua pembiayaan yang diperolehi bagi projek tersebut.

## **6.0 PENILAIAN GERAN**

- 6.1 Permohonan Geran REI akan dinilai oleh panel penilai yang dilantik oleh Institut Pengurusan Penyelidikan dan Inovasi (IRMI), melalui proses pembentangan kertas cadangan penyelidikan oleh ketua atau ahli projek. Keputusan penilaian adalah muktamad.
- 6.2 Surat kelulusan akan dikeluarkan oleh IRMI kepada Ketua Penyelidik dan salinan kepada penyelidik bersama dan Ketua Jabatan.
- 6.3 Ketua Penyelidik dan penyelidik bersama perlu menandatangani borang penerimaan yang telah dilengkapi sebelum memulakan penyelidikan.

## **7.0 ETIKA DAN KERAHSIAAN**

- 7.1 Semua penyelidik mestilah mematuhi Etika Penyelidikan dan Kerahsiaan Data.

## **8.0 PEMANTAUAN PENYELIDIKAN**

- 8.1 Semua geran penyelidikan yang telah diluluskan akan dipantau oleh Institut Pengurusan Penyelidikan dan Inovasi (IRMI).
- 8.2 Penyelidik mesti menghantar laporan kemajuan pada setiap enam (6) bulan secara atas talian di dalam sistem iRMIs dan menyertakan bukti sumbangan Dana Kecemerlangan Pendidikan UiTM sepanjang tempoh geran aktif.
- 8.3 Peruntukan tahun kedua hanya akan diberikan setelah menghasilkan sekurang-kurangnya satu (1) penerbitan berindeks dan membelanjakan sekurang-kurangnya 70% jumlah peruntukan tahun sebelumnya.
- 8.4 Kegagalan memenuhi perkara 8.2 dan 8.3 di atas boleh menyebabkan geran penyelidikan ditamatkan serta merta.
- 8.5 Pihak IRMI akan menghantar surat pengesahan tamat penyelidikan selepas sahaja menerima laporan akhir daripada kumpulan penyelidik.
- 8.6 Semua perkara di atas adalah tertakluk kepada Garis Panduan Pengurusan Penyelidikan Institut Pengurusan Penyelidikan Dan Inovasi (IRMI).

## **9.0 HASIL PENCAPAIAN PENYELIDIKAN**

- 9.1 Tier 4  
Penyelidik mesti menerbitkan dua (2) penerbitan berindeks SCOPUS / WOS / ERA di mana satu daripadanya adalah jurnal berindeks.
- 9.2 Tier 5  
Penyelidik mesti menerbitkan satu (1) penerbitan berindeks SCOPUS / WOS / ERA.
- 9.3 Penghargaan kepada geran REI mestilah dinyatakan dengan jelas dalam setiap penerbitan.